



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ad Antonium Verjusium S. J. Poëtis ad scribenda Carmina
tempus non esse præscribendum**

Santeul, Jean de

[S.l.], 1670

[Text]

urn:nbn:de:hbz:466:1-13485

Nos ludis, iras fingis amabiles,
Dic, te quot annos vidimus anxium,
Et te retractantem obstinatis
Pura adeo tua scripta curis.

Celfo ire Olympo non aliam datur
Via, quid urges? ibimus improbos,
Quo fama portat, per labores,
Quo sibi fecit iter, potenti

Qui sacra vatum sceptrum tenet manu,
Lyraeque princeps, Romulei arbiter
Auctorque sermonis, latinis
Omne venit decus unde Musis!

Quae nata parvo tempore, VERJUSI,
Cadunt eodem, par manet exitus
Viles Poetas, nox sub altis
Longa premit tenebris sepultos.

Num FERDINANDI sparsa volumina,
Jamjam per omnes splendida Gallias,
Cudere noctes eruditae,
Tot PADERÆ monumenta magna?

Cælo erigendas Principibus domos
Non prima vidit, quæ posuit dies,
 Quam Sequana allabens adorat,
 Vix LUPARAM posuere centum;

Anniq̄ue centum, frontibus arduæ
Illam nec Arces, nec Capitolia
 Æquare contendant, trophæum
 Pacis erit veniens in ævum.

Ne molientem magna supercilli,
Alti Poëtam coge molestior:
 Non iussa, nec leges vel audit
 Indocilis mea musa flecti.

Prudens futuri, cuique dedit suum
Natura tempus, vina racemifer
 Autumnus, & vectigal anni
 Dat segetes bona semper Æstas.

Non id sacratis vatibus accidit.
Non certa magnis tempora ponimus
 Cœptis. Supremis non Apollo
 Arbitriis regit unus omnes;

Quid est? morantem me rapit impetus,
Da personantem Melpomene tubam,
Vos FERDINANDUM vos Poëtae
Mille tubis celebrate vatem.

Se quanta tollet gloria PRINCIPIS!
Pertæsa longi musa silentii
Erumpet, & vulgabit orbi
Alto animo meditata, sacris

Cælanda Musis carmina, posteri
Audite, ut Artes foverit optimas
PRINCEPS, in omnes dum profundit
Municâ nova dona dextrâ :

Ut ille Martis pacifer impias
Sedarit iras, sollicitus gregi
Pastor tuendo, nunc sub alta
Pace bonus, metuendus armis.

Sic olim Idumes corpora fortium
Stravit leonum pastor, & aureo
Rex ipse vates sic canebat
Grandè sonans sua facta plectro.